

出《大正新脩大藏經》第 21 冊 No. 1336 陀羅尼雜集卷第九

集法悅捨苦陀羅尼經

【未詳撰者，今附梁錄】

喃無(引)沒馱(引)耶 喃無(引)達哩摩(二合引)耶 喃無僧伽(引)耶 南無(引)毘輪
陀(引)遮利耶(二合引)也 喃無 薩嚩 阿誡 周(引)囉耶帝(引) 摩訶(引)哩他(二合)
陀(引)囉尼(引)曳 多地耶(二合)他(引) 魯婆 彌(引)利(引) 婆(引)摩儻(引) 魯遮
耶 達哩摩(二合) 陀(引)那 闍那 訶攞(二合引)丁 特賴(二合)尾地也(二合引) 婆
遮耶(二合) 那耶 波囉薩婆 摩訶(引)訶攞(二合引)丁 底利(二合)阿波(引)耶 底
利嚴(二合)儻囉耶 底利(二合) 比怛嚩(二合) 薩嚩 地也(二合引)那 毘魯(引)婆
闍呵 陀舍地輪(引) 薩埵 娑(引)囉 三摩(引)鉢沘 波利波(引)迦 摩訶(引)倪
呀(二合引)那 娑嚩(二合引)賀(引)

Namo buddhāya. Namō dharmāya. Namaḥ saṃghāya. Namō vi-
śuddha ā-cāryāya. Namaḥ sarva agha chorayate mahā-artha
dhāraṇīye. Tadyathā, lobha mī-rī, bhāma-nīr uc-caya dharma dāna
jana hlādin, trai-vidya vacya naya pra-sava mahā-hlādin, try-apāya
tiryāṅ-niraya tṛd bhittvā, sarva dhyāna vi-lobha-jaha, daśa-diśo
sattva sāra, samāpatti pari-pāka mahā-jñāna svāhā.

爾時佛告諸大眾言：吾本無數劫中，處於凡夫時，字遮他陀，在伽倫羅國作商
客，販賣治業，虛妄無實，造諸惡行，不可稱計，姪曠無道，不可具說。是時
愚癡，害父愛母，逕由數年，舉國人民，一皆知之，稱聲唱言：是遮他陀，害
父愛母，今逕數年。吾時思念，與六畜無異，更無人事。時於伽倫羅國，夜跳
城牆奔走，趣於深澤。時此國王，名毘闍羅，告令國中人民：此遮他陀，姪曠
無道，致為此事，其有能得此人者，當重賜寶物。時此國人，各各受募，欲捕
吾身，是時驚怖，即出國作沙門。在於他國，修行十善，坐禪學道，晝夜泣淚，

經三十七年，以五逆罪障故，心不得定，憂悲叵處。三十七年中，在於山窟，常舉聲泣哭，苦哉！苦哉！當以何法，去此苦也？悲嘆下窟乞食，時道中地，得一大鉢，中有一函經，更無餘經，唯有集法悅捨苦陀羅尼，說過去恒沙諸佛，臨泥洹時，常在毘悅羅國，說此陀羅尼付諸大菩薩，後有人得聞此陀羅尼者，乃因此人過去世時，曾修持五戒十善，因此得聞。有人雖聞，而不在心，不修習者，是名無緣。此陀羅尼能除百億劫生死五逆大罪，若有受持讀誦者，終不墮於三塗、地獄、餓鬼、畜生，何以故？過去諸佛，欲泥洹時專當說之，尊重歎仰，稱其功德，不可計量，付諸菩薩。後有眾生，得聞此陀羅尼者，修習著心，福報難計，猶如須彌寶海，凡夫不能得量。若有人作諸惡行，竊聞此陀羅尼名不及修習，一拥在懷，墮於地獄，一切地獄，蒙此人恩，苦痛不行；有人能行，現身精勤，修習得者，覩見百千萬佛刹土，得福無量，不可具說，唯有諸佛與諸菩薩乃能究盡，聲聞二乘人者不能得知。何以故？此陀羅尼非一佛二佛所說，乃過去恒河沙數諸佛所說。是時吾得此經已即不乞食，歡喜向窟，到於窟中，燒香禮拜，悲淚讚仰，於窟中修習，讀誦經一年，以罪業深重故，不能得入心懷。是時吾即以秋月夜，洗浴修行，經一七日，如童子初學，憤憤者不少，便更行於七日，亦如是憤憤無異，心中愁惱，不知云何。意中思惟此陀羅尼字義，經於數反，心中忽定，時吾欣悅，如人掘地，得百千斤金，人無知者，內欣不止，吾時亦然。修行數年，飛行無礙，覩見十方三世諸佛，後有行者，當如法行之。

公元二零一一年十二月二十一日馬來西亞萬撓佛教會蔡文端居士修訂并轉譯。

咒語原文

南無佛陀蛇 南無達摩蛇 南無僧伽蛇 南無毘首陀遮蛇 南無阿伽竭浮遮蛇 南無摩訶薩婆伽利蛇 多擲哆 林彌利 婆[其*居]婆彌 留遮陀 檀摩 陀那 闍那 唏知 泝利 婆[其*居] 婆遮蛇 那蛇 波羅薩婆 摩訶唏知 泝利 央求 知利 默求 知利 比婆 薩婆 蛇那 毘林婆 闍呵 陀舍地輪 薩婆 娑羅 三幕鉢泝 波波波利 摩訶 阿那 莎呵